






G H



8





no. 1

LETTRE
DE
PERROQVET
AVX ENFANS PERDVS
de France.

*Devorabunt eos aues morsu amarissimo.
Foris vestabit eos gladius. & intus paupor,
Cessare faciam ex hominibus memoriam eorum.
Gens absque consilio est, & sine prudentia, ut inam re-
perent & intelligerent. Deut. cap. 32.*



A PARIS,
Chez IEAN BRUNET, Iouxte la copies
Imprimees à Thoulouse.
M. D. C. XIII.

SVR L'IMAGE DE
PERROQUET.

Quatrain.


Quand i'ay veu ce pourrait à la premiere page
De ce docte discours que Perroquet a fait,
Voyant son bec crocheu, sa griffe & son plumage,
I'ay iugé quant & quant qu'il est Aigle en effect.

L. M.



A PARIS

Chez le Sr. BRUNET, Libraire,
Imprieur à Thionville.
M.D.C. XIII.



L E T T R E

D E P E R R O Q V E T .

A V X E N F A N S P E R D V S

de France.

Perroquet ioüeur de fleutes, fourbisseur d'espees vieilles, Marchand de cousteaux de Montauban, Soldat des vieilles bandes: Aux Enfans perdus de France, Salut.

LEs qualitez que ie prends, Messieurs & celles que ie vous donne, sont semblables: si vous estes Enfans perdus, ie le suis aussi: car il y a plus de cinquante ans que ie cherche avec la pointe de mon espee la fortune aussi bien comme vous, & si ne la peux trouuer. Si vous y prenez garde, & vous & moy sommes fort honorez en nos riltres. Ie m'intitule Perroquet; qui voudra voir les merueilles du Perroquet (autrement dit Papegay par ceux qui maschent le miel d'un plus friand langage) s'en aille aux Indes. Ie suis ioüeur de fleutes, Timotheel estoit, qui au son melodieux de ses fleutes excitoit Alexandre à la guerre; au contraire, mon intention est d'exciter nos Alexandres à la paix. Ie suis fourbisseur d'espees, le Dieu Vulcan l'estoit, qui façonna les armes d'Aihylle quand il voulut aller à la guerre de Troye. Mais qui ne sçait que le grand Demosthene, qui fit la guerre si long temps à Philippe de Macedoine, avec sa langue trenchante comme vn cousteau, estoit fils d'un fourbisseur? Mar

marchand de cousteaux de Montauban. Le Dieu Mer-
 cure estoit marchand, voire larron, il auoit des cou-
 teaux si fins qu'il en couppoit les bources. Quand
 à Pythagore, il estoit fils d'un marchand. Pour la
 qualité de Soldat que ie prends, on sçait que cette
 qualité est la plus estimee de toutes. Les soldats por-
 tent au bout de leurs espees ou la vie ou la mort de
 tout vn Royaume. Mais pource que regarde la qua-
 lité d'Enfans perdus que ie vous donne, vous n'a-
 uiez pas occasion de vous en offenser. Agatocles
 estoit fils d'un potier, enfant perdu comme vous,
 par le moyen de la fortune il deuint Roy de Sicile.
 Darius Roy de Perse estoit vn courrier, vn mes-
 sager ordinaire, vn porteur de lettres. Telephanes
 Roy de Lydie vn simple charretier. Le grand Tam-
 barlan vn porcher. Ptolomee Roy d'Egypte vn
 bouuier. L'Empereur Iustin tout de mesme. Voila
 comme jadis la fortune donnoit les Empires à des
 Enfans perdus. O Dieu que ces siecles passez dif-
 ferent bien du temps present ! Les maisons les plus
 illustres ont assez à faire d'y pouuoir paruenir, &
 paruenues qu'elles y sont, de maintenir leur cou-
 ronne, & conseruer leur grandeur. Vous auez en-
 tendu ces jours passez comme quelques vns de Mes-
 sieurs les Princes ont quitté la Cour, & mal-con-
 tans à (ce qu'on dit) ont prins les armes contre la
 volonté du Roy. Ils veulent, comme l'on dit, re-
 gler l'Estat, & demandent compte à la Royne plu-
 tost que sa sacree administration soit finie. Voila le
 sommaire de ce que i'en ay aprins. Peut-estre que
 vous le sçauiez mieux que moy. I'ay voulu pourtant
 faire mon deuoir de vous en aduertir, & en chose si
 importante n'ay voulu conuiuer. Ha! dea, dira

quelqu'un, quel intérêt a Perroquet aux affaires d'Etat, & au différend qui est entre les Princes ? Voicy mes raisons : Perroquet est soldat, nonobstant la prohibition des Edits il a porté les armes tousiours pendant la paix, la picque deuant & derriere, & ce à la face d'un Fabius Maximus, qui en temporisant vient à point de toutes choses, lequel ne s'en est iamais remué, ains a laissé passer librement son chemin à Perroquet. Secondement, le Roy a sçeu mon merite, il m'a pourueu en cette ville de Tholose de l'office de Sergent maior. Si vne fois la guerre est declaree, vous verrez bien des rondes à trauers l'Empire il y en aura bien d'attrapez & d'emprisonnez, ie m'asseure que Perroquet s'en fera valoir. Finablement ie suis noble, Perroquet en possède pas vn poulce de terre qui fasse taille : le pred de Sept-deniers luy est cōmun, avec tous les bœufs, vaches, & moutons de cette ville ; ce pred est de belle estenduë, le gentil pred, depuis les portes du Bazacle il s'estend iusques aux portes de Blaignac. Il n'y a que Garonne entre-deux, pour donner passage aux Matelots de Castel-ferrus, qui rament chez eux quand la pratique du Senechal cesse, & pour receuoir les gentils barricots d'anchoyes, & tōneaux de la grasse moluë qui monte de Bourdeaux pour la provision de ceux qui ne peuuent manger poisson d'eau douce, & qui se plaignent de la police des Capitouls. Et puis si vous voulez, le propre du Perroquet est de caquetter, & dire tout ce qu'on luy apprend. Le Cardinal Ascamus en auoit vn qui parloit de Dieu, & recitoit sans hesiter l'entier Symbole de la foy. Auguste Cesar en auoit vn qui ne cessoit de le saluer. Ce n'est rien du Tourge d'Agrippine, femme

de l'Empereur Claudius, ny du Corbeau de ces trois Empereurs, Tybere, Germanicus, & Drusus, si regretté apres sa mort, qu'on luy fit faire des obseques publiques. Les merueilles du Perroquet sont plus grandes. Inferez maintenant : puis que ie suis soldat, puis que ie suis noble, & qu'il appartient au Perroquet de parler, n'ay-ie pas occasion de me remuer quand l'occasion s'en presente, & parler des Princes qui sont les images de Dieu ? S'il est licite à vn Perroquet de parler de la foy de Dieu, ne me fera il pas licite de parler de la foy & de l'obeyssance que l'on doit au Prince ? Certes ie meriterois d'estre dégradé de tiltre de ma noblesse si i'estois muet, & le Perroquet ne meriteroit iamais de me prescher aux moliueaux d'une si gentille cage. Le Gentilhomme qui conuiue quand il void qu'on querelle son Roy, est traistre à la Couronne. Ne dire mot, ne bouger de place quand on void que quelqu'un veut troubler l'Estat, c'est estre lasche, perfide, & degenerer de la vraye noblesse, c'est tout autant comme se ietter au party contraire, & se rendre par ce moyen criminel de leze Maisté. I'ay obmise vne autre raison qui est beaucoup plus pregnante. Il importe que chacun suiuant sa capacité, s'efforce de maintenir la paix, & rembarre dans la grotte infernale ce monstre de guerre. Pour mon regard, ie suis vn peu Grammairien, car mon pere me fit estudier, croyant que pour mon merite ie deusse auoir quelque office. Mais ! las depuis les offices se sont rendus venaux, ie suis demeuré sans dignité, & suis esté contraint de faire d'autres mestiers pour gagner ma vie. Encore i'eusse donné quelque attaque à l'office du Iuge de la Police (autrement appellé des Fangassés)

Mais aux dernieres troubles que l'ennemy entra par trahison à certaines ville où i'ay mon patrimoine à cause que ie tenois le party du Roy, vn meschant borgne soldat enleua toute ma fortune. I'auois recueilly cette annee à toutes mains en mes terres quatre boisseaux & demy de bled, manque vne poignée, deux escuelles de cheneuis, autant de miller, vne once de safran, la quatriesme partie d'vn baricot de vin. Le meilleur de mon bien consistoit en garailles. I'y auois vne truye qui me faisoit neuf cochons chaque ventree, vne fois elle en fist vnze, parce qu'il me fascha de payer la dixme au Curé, les deux moururent en resterent neuf comme de coustume. Ie y auois vne cheure, trois moutons, vn beuf & vn asne que ie tenois exprés pour labourer. Ie sçay bien que cela est deffendu par les sainctes loix. Mais la necessité n'a point de loy. Tant y a, que tout cela s'en alla. Mengeoc & Tymar, furent cause de ma perte, par ce qu'ils mirent l'ennemy dedans. Encore celuy qui participa au butin estoit cousin second de ma mere. Regardez qu'elle foy il faut adiouster aux gens d'armes. Certes ie croy qu'ils ne vont à la guerre que pour piller, & croy fermement que le fils qui veut faire ce mestier commence par son Pere, & qu'il luy met tout à sac auparauant qu'il s'aille enroller sous la charge d'aucun Capitaine. On pourroit acheuer de me ruiner, ie suis resolu de viure & mourir au seruice du Roy. Vn office de Sergent des Capitouls payera tout cela, si vne fois sa Majesté à la cognoissance de mon merite. L'Office de Sergent major n'est point asseuré, par ce que la guerre n'est point asseurée. Et puis pour vous dire vray, j'aimerois mieux faire vn petit exploit de pratique, &

mettre la main au collet de quelque malfaiçteur, que
 trancher du gros, monter à cheual sur vne housse
 commander à ceux qui ont autorité, ce seroit faire
 des ennemis, à quoy mon naturel ne me porte, que
 ie n'y sois forcé par la necessité. Doncques pour
 reuenir au point, ce peu de cognoissance que Dieu
 m'a donné en mon art, ie le veux employer pour le
 seruice du Roy, & suis d'aduis qu'on banisse de tous
 les quatre coins de la France cette heresie de guerre
 quel pretexte que l'on puisse auoir. Nous n'auons
 point affaire de ces cheuaux Troyens, qui sous om-
 bre des pieré de vouloir consacrer à Minerue, refor-
 mer l'Estat, veulent abbatre nos murailles, saecager
 nos maisons, & mettre tout en cendres. La guerre
 est vn tizon d'enfer, qui ard perpetuellement dans
 le cœur de ceux qui ne peuuent estre pacifiques. Vn
 magicien se vante de faire gresler en quelque lieu
 pour se venger de ses ennemis: il ne le peut faire qu'il
 n'incommode ses amis, & que la gresse qu'il proiet-
 te de faire tomber aux champs d'autrui, ne gaste
 pareillement les fruiçts qui sont en la terre. De mes-
 me, celuy qui pour la particuliere malice de quel-
 qu'un fait gresler les canons, excite les foudres de la
 terre, il ne peut tellement offenser son ennemy, qu'il
 n'offense soy & son amy propre. La hayne, la ran-
 cune sont sans yeux aussi bien comme l'amour.
 Quand la passion auengle, on ne regarde point ce
 quel'on fait: On combat en Andabate, on frappe
 si bien sur la teste, comme aux talons. L'experience
 des choses passees deuroit arrester ceux qui courent
 sans bride à tels appetits, & ceux qui ne le scauent
 s'en deuroient informer avec les vieux, jeter la veüe
 sur les histoires, & considerer quels mal-heurs les
 discor-

discordes ciuiles ont apportez à la France. On ne peut
 point esperer de gagner plus que d'autres qui ont esté
 accompagnez de pareils pretextes, la playe des guerres
 dernieres n'est pas encore bien consolidee, elle seigne
 encore en plusieurs endroicts du Royaume, & toutes-
 fois on veut faire encore de nouveaux efforts à l'Estat:
 mettre playe sur playe, coup sur coup, n'est-ce pas
 en effect procurer sa ruine, & tascher totalement
 de l'exterminer? les diuisions dernieres en ont sappé les
 fondemens, l'arbre a esté esbranlé, on le veut accabler
 & renuerfer par terre. Qu'elle assurance scaura on trou-
 uer parmy les estrangers, puis que nos domestiques
 nous guerroyent? Le mal est incurable qui vient par
 le dedans, & ne peut guerir que par vne faueur speciale
 de Dieu, ou par l'observation la plus exacte de la Me-
 decine. Que deuiendra la santé du corps, mais quels
 trances suffira le pauvre malade si le venin de la dis-
 corde, infecte les parties Nobles, & serpente iusques au
 cœur? Les Nobles & ceux qui le sont principalement à
 cause de leur sang, sont les esprits vitaux qui font viure
 & respirer ce corps Monarchique; s'ils s'esloignent &
 separent du Cœur, par quel moyen pourra-il viure?
 Perroquet a enuie de delgoiser, permettez-le ie vous
 prie, il vous dira chose qui paraduventure estonnera les
 Grands & animera les petits. La discorde & diuision
 entre Princes, feust cause que la ville de Rome tomba
 entre les mains des Visigots, qui rauagerēt longuement
 l'Italie & vne bonne partie de Gascogne, iusques aux
 Montagnes Pirenees, voire le saint siege en feust tel-
 lement blessé, qu'il feust besoin que nos Roys de Fran-
 ce (vrais Podalyres de Dieu) y missent la main, en tel-
 le sorte que Charles le Grand, ayant chassé Luitprand,
 vaincu Didier Roy de Lombardie, remist le Pape

Adrian troisieme en sa chere Apostolique, en recompense dequoy il feust creé Empereur de l'Occident en plain Concile, & feust lors l'Empire affecté & vny à la Couronne de France, lequel on en a laissé separer par la mauuaise ménagerie, de laquelle on a vze en cest Estat, les Princes de sang ne faisant autre mestier que ce harceler. Quand la fortune rist en vne maison, il semble que les larmes n'y doiuent iamais distiller, l'Empire d'Orient comment est-il tombé entre les mains des Turcs? La discorde qui feust entre les freres de Constantin huitieme en est la cause, & pour passer plus auant, le schisme & la diuision de l'Eglise Grecque avec la Latine. L'exemple de Scylurus est veritable, tandis que les parens se tiennent liez d'une ferme amitié, les vns, les autres, il est impossible de les rompre & separer. Mais s'ils se deslient & separent eux mesmes, le moindre inconuenient les accable & les brise. Alexandre le Grand en peu de temps conquist le Monde, mais tout incontinent apres sa mort, par la mauuaise intelligence des siens le fruit de sa conqueste s'esuanouist, ses Diademes furent disperseez, & tous les Sceptres tomberent entre les mains des estrangers. Ptolomee print l'Egypte, Laomedon la Syrie, Python la Medie, Eumenes la Paphlogonie & la Capadoce, Antigonus la Pamphilie la Lycie, & la grande Phrygie, Cassander se faillit du Royaume de Carie, Meleager de la Lydie, Lysimachus eüst la Thrace, Antipater la Macedoine, & d'autres enuahirent d'autres Royaumes & Prouinces, iusques au nombre de 22. Les Royaumes, terres & Duchez, qui ont appartenu à la France où sont-ils? on scait bien par qu'elle voye ils en ont esté alienez. La dissension des Princes, leur mauuaise intelligēce en est la cause, Il ne faut point qu'on en donne le tort à la violence.

ce des armes, à la vicissitude du temps, ny au changement de fortune, car on sçait bien que les François sont si guerriers, tandis qu'ils se tiennent en amitié, qu'ils ne succombent iamais à l'effort de leurs ennemis; & puis dès que la fortune s'est establie en vn lieu, il est mal-aisé de l'en arracher si on la sçait caresser & entretenir. Temoins en sont les Hotomiens, qui pour le bien de leur Principauté & de leur Religion, sçauent sagement appaiser leurs discordes. Le proverbe est qu'une once de diuision apporte vn quintal de malheur.

Ha! Prince François, petit en âge, grand en pouuoir, tige de ces heureux Monarques, qui ont gouverné toute la terre, œil de la Chrestienté, & le bras droit du siege Apostolique, ie voudrois estre vn Mercure, pour pouuoir par la force de mes persuasions appaiser vos quereles. Si i'estois Apollon, des fiesches d'or que ie tirerois de mon carquois, i'en entamerois la poitrine de ceux qui imprudemment vous voudroient assaillir, & si i'estois Iupiter, cent foudres vengeroient la malice de ceux qui conspirent de vous enuelopper aux rets d'une discorde ciuile. Qu'elle apparence y à il de s'en prendre à vn Prince qui est moindre? quel subiect d'inquieter vn Royaume si florissant en pays? Moins encore de vouloir censurer les actions d'une Roynie si sage? Le mal est-il si vehement qu'il faille appliquer le feu & cauter des armes? Dieu mercy l'on ne voit point que l'ulcere soit si profonde, qu'elle aye gasté la moindre partie de cest Estat. Les personnes Ecclesiastiques font leur deuoir, viuent avec toute saincteté de vie. Les Prelats montent en chaire, preschent la parole de Dieu, de leur propre main manient la houlette, font paistre le Thym, l'Anis & la Mariolaine à leurs brebis, & font choses que par aduenture despuis sainct Denys,

on n'a veu faire en France, ce qui estonne & esbloüst
 nos aduersaires, de telle façon que voyant leur pieté &
 deuotion, ils ont recours à l'impieté de leurs ames.
 Quand à la Iustice elle domine plus que iamais. Pour la
 Noblesse elle commande selon son rang; & quand au
 peuple il obeist. Sçauoit-on voir vn Estat mieux réglé
 & composé que celuy-là? les membres qui travaillent
 tousiours pour l'ornement & embelissement de ce dia-
 dème, ne se plaignent point, chacun est cōtent, person-
 ne ne gemist sous le fais de sa charge. Quand vn corps
 est si sain, qu'à on affaire de crier le Chirurgien qu'il
 porte sa lancette? Les remedes se doiuent appliquer
 quand il y a mal, les reglemens se doiuent faire quand
 il y a du desordre. Mais ou toutes choses vont bien,
 avec compas, mesure & cadence par le sage conseil de
 ceux mesmes qui font semblant de ne le vouloir ainsi,
 quelle apparence y a il d'imputer à l'Estat aucun desor-
 dre? On pourra dire de mesme façon que les Estoiles
 ne sont pas bien fichees au Ciel, & que les douze signes
 sont mal regez, bref il faudra accuser l'intéperature du
 temps, se plaindre de l'hyuer dernier; dire qu'il a esté
 trop froid, & que le printemps est trop humide. Ce qui
 semble estrange à nos yeux, par ce que nous ne sçauons
 point les secrets de Dieu, est vn cours & vne reuolution
 ordinaire à Dieu. Il tempere les saisons comme il luy
 plaist, & comme il voit estre à faire, regist cest Vniuers
 de sa propre prudence, sans qu'il aye besoin de nostre
 conseil, qui sommes aueugles en ses merueilles: le sem-
 blable arriue au gouuernement des Roys, qui sont faits
 & taillez au modele de Dieu. Il n'est besoin que tout le
 Mōde penetre à leurs dessains, & sçache ce qu'ils font.
 L'Escuyer qui est à cheual, est il tenu de dire à tous
 propres de quel costé il veut tourner bride? vn Regent

ou vne Regente, est elle tenue d'esuenter ses secrets, dire ce qu'elle veut faire en la sacree administration d'un Roy? faut-il qu'elle rende compte de ses actions à toutes heures, à tous momens plustost que sa charge soit finie? Pour conduire & administrer l'Estat, luy sera-il point licite de faire quelque chose, sans l'approbation & consentemēt d'un autre, certes ceste puissance seroit bien bornee, & de peu d'effect; les plus abiects Tuteurs & Administrateurs des simples pupilles, ne sont pas si astraincts: ils sont dispēsés à faire ce qu'ils veulent & n'en sont recherchez qu'après leur administration: Mais ce qui se faict avec grande circonspection, ce que le sage conseil de la Roynie delibere, ce que Messieurs les Princes accordent, cela peut-il estre subject à recherche & à censure? peut-on retarder l'euuenement d'une chose qu'on aura cōclu d'estre necessaire à faire. S'il n'y a rien plus que cela, l'Estat n'est point en danger, on n'a pas occasion de se remuer: Mais s'il semble qu'on voye quelque petite tache, ou esgratigneure en la face, de quelque petit don ou liberalité, le coup n'est pas mortel, & la cicatrice n'est pas si grande que pour cela il faille crier à la mort. La magnificence des grands, principalement des Princes, paroist en leur liberalité. Leurs coffres doiuent estre ouuerts pour ceux qui le meritent, & fermez à double ressort pour ceux qui ne le meritent. Alexandre disoit qu'on ne sçauoit mieulx cacher son Thresor, qu'en la bourse de ses amis, parce qu'on l'y treuve quand on en a besoin, les Princes n'usent iamaïs sur l'arene, ils sçauent bien que ce qu'ils abandonnent leur peut profiter; Si la liberalité & munificence estoient à blasmer en vne grande Princeesse Calypso seroit à blasmer, d'auoir donné vne robbe si riche, semee de tant de pierres à Vlyse. Didō d'auoir

offert son sceptre à Enee, Artemise d'auoir trop des-
 pendu à son Mausole. Semiramis pendant la minorité
 de son fils d'auoir trop donné aux Princes & grands Sei-
 gneurs de sa Cour, & Candacé Royne d'Ethiopie d'a-
 uoir nourry & esleué trop de personnes autour de soy.
 Ce discours est sans fondement, ce mescontentement est
 imaginaire, si l'on oste la liberalité, & recompense des
 biens faits, les Cours des Princes seront desertes. Nul
 ne voudra s'aller captiuer au seruice des grands, s'il n'a
 l'esperance d'y pouuoir faire quelque fortune. Les
 grands Monarques ont tousiours eu quelques vns à
 l'entour d'eux, enuies lesquels ils ont eu de particulieres
 inclinations. Darius aymoit Zopyre, Alexandre He-
 phestion, si l'on demande la cause de cela, il faut de-
 mander pourquoy l'Aymant attire le fer, & pourquoy
 le Remore arreste les Nauires. Ceste question n'est pas
 nouuelle, pourquoy les Princes aiment certaines per-
 sonnes (quelquefois de moindre merite) par dessus les
 autres, elle feust decidee par le fer au temps de la Roy-
 ne Blanche mere du Roy saint Louys, contre laquelle
 on se faschoit de ce que en qualité de Regente, elle dis-
 posoit des finances, & des Estats comme bon luy sem-
 bloit, postposant les vns, & preferant les autres. Mais
 ceste Royne semblable à la nostre, meue d'un bon desir
 de bien regir & administrer la chose publique, & d'ad-
 uancer les affaires du Royaume, ne feust pas destituee
 de secours, elle vainquist ses ennemis, les mist à la raisõ,
 fist les Anglois en bataille rangee, contenta les mal-
 contents, & lia aux chainons de son obeyssance le Con-
 de Raymond de Tholose, si effarouché que personne
 ne l'auoit sceulier auparauant, Dieu est le Protecteur
 des Orphelins, preside au iugement des Vefues, & he-
 berge sous l'ombre de son aille sacree les Innocens.

Je n'eusse iamais pensé Messieurs, que mon plumage feust si fort, voicy le premier vol que Perroquet a fait hors de sa cage; La region ou il a vollé est si immense, qu'il s'est pensé perdre en son essor, ô que le langage des Princes est difficile! j'apperçoy maintenant qu'il n'appartient qu'aux Aigles de la Cour, de regarder les Soleils. Je suis trop petit Perroquet pour dire quelque chose qui approche du lustre, & de l'excellence de leurs merites: Mais si ce que j'ay dit vous semble auoir quelque energie, & quelque chose de bon, faictes que vos effects soient meilleurs. Disposez vous à seruir vostre Roy, defrouillez vos armes, & au moindre bruit du fifre & du tambour courez, jettez vous au pied de sa Majesté, & faictes esclater ces paroles à ses oreilles.

SIRE

Nous vous venons offrir nos vies, marris quand nous les aurions perduës, de ce que nous ne les pourrions recouurer, pour derechef vous les offrir, l'experience des choses passées nous monstre qu'il ne faut point se detraquer de l'obeissance de son Prince. Nous ne sommes point si forts & si puissans, que vous deuiez faire conte de nos vœus, & sçauons fort bien quād vous voudriez espargner vos subiects, que les Royaumes, & Prouinces plus reculees, se viendroient courber à vos pieds pour vous offrir ayde & secours, le nostre n'est point nece ssaire, si ce n'est en tant que le deuoir nous y oblige, faictes de nous ce qu'il vous plaira, Nous vous offrons ce que nous pouuons, & ce que nous deuons.

Quand il vous entendra parler ainsi, il vous receura benignement, & voyant vne generalle acclamation & applaudissement de vos volontez, cela les resiouyra

merueilleusement. L'obeissance d'un bon & fidele sub-
iect, sert de confort à son Prince, & donne terreur à ses
ennemis. Peut-estre qu'il ne sera point necessaire que
vous porties les armes pour luy. Les Princes sont si sen-
sibles, & ont de si bons mouuemens dans leurs cœurs,
qu'il ne sera point d'eux, ce qu'on en imagine. Vous au-
rez fait cependant ce qui sera de vostre charge. Persistés
comme aussi de croire que ie suis pour iamais.

Messieurs,

Vostre cher amy à vendre

& engager

PER ROQVET.